

麻科活人

周黻卿敬贈

麻科活人全書卷之二

安成

璞齋謝玉瓊纂輯

阜山劉齊珍訂刊

石陽周茂五青亭重刊

四方痲名第一

將糠少瘡蛸溫疹其實屬痲一症名方語原來各有別
治同一例應如神

痲症之名各方不同在京師呼爲溫疹河南呼爲將
瘡山西陝西呼爲糠瘡山東福建廣東廣西雲南貴
州四川俱呼爲疹于江南呼爲痧疹浙江呼爲瘡于
湖廣江西俱呼爲痲疹又呼爲蛸于閩人氏呼膚疹
雖四方之命名有別其實皆一痲也調治之法原無

吳耳

歲氣第二

麻疹須明歲氣先勿輕上下作傷寒察人虛實施良劑
無伐天和損壽元

麻疹之症其初發熱與傷寒相似但麻疹則面頰紅咳
嗽噴嚏鼻流清涕目中淚出呵欠喜睡或吐或瀉或
手抬眉目鼻面之爲異耳不可誤作傷寒施治而妄
用汗下也妄汗則增其熱而爲衄爲咳嗽爲口瘡咽
痛爲口赤痛爲煩燥爲大小便不通妄下則虛其裏
爲滑泄爲滯下經曰必先歲氣毋伐天和言不可妄
汗下也是以治麻者務須先明歲氣如時令溫煖以
辛寒之藥發之用防風敗毒散

見第五條

如時令暄熱以

寒涼之藥發之用白虎解毒湯

見二十六條

或黃連解毒

湯如時令大寒以辛熱之藥發之用桂枝解毒湯或葛根桂枝湯如時令時寒時煖以辛平之藥發之用荆防敗毒散或葛根解毒湯倘兼疫癘之氣則以人參敗毒散主之又要看人之虛實如吐瀉不止以人參之類補之如便秘煩燥以酒蒸大黃微利之經曰無實實無虛虛倘損不足而補有傷天人性命非關天數醫殺之也能知損有餘而補不足者方為良工

黃連解毒湯

黃連

黃柏

黃芩

枝仁

荆芥

知母

石膏

大青

元參

木通

防風

吉梗

甘草

水煎

銀

桂枝解毒湯

荆芥 防風 牛蒡子 麻黃 吉梗 人參

川芎 羌活 甘草 桂枝 生薑引

葛根桂枝湯

葛根 防風 甘草 桂枝 赤芍 升麻

薑三片引淡豆豉一錢引

荆防敗毒散

荆芥 防風 茯苓 只殼 前胡 柴胡 吉梗

川芎 羌活 獨活 甘草 薄荷五葉引除荆防

名人參 敗毒散

葛根解毒湯

葛根

荊芥

前胡

牛蒡子

防風

連翹

人參

柴胡

桔梗

赤芍藥

羌活

升麻

甘草

淡竹葉

水煎服

預解宣毒第三

凡遇冬溫大不祥民多疫癘發瘡瘍如逆水行舟
可用湯丸預解良
麻毒從來解在初出盡毒解憂可無腹中脹痛邪毒
喘促昏沉命必殞

春溫夏暑秋清冬涼此四時之正氣也若冬應寒而
反溫乃陽氣暴洩火令早行人感之者至於來春必
發癰瘡未出痘疹者必感之而出然疹雖胎毒未有
不由天行時令而發者故一時傳染相似遠近大小
皆發爲父兄者但見境里痘麻正行宜先以消毒保
嬰丹代天宣化丸以預解之可使毒微而不爲已甚

此雖先賢活人之婆心而要知麻疹之症只怕一時

不能得出若得出盡則毒便解到底治痲者於初熱

未出之時宜以宣毒發表湯去升麻吉梗甘草或葛

根解肌湯

二方俱見第五條

去赤芍甘草葛根陳邪湯

見三十三

條去骨皮防風敗毒散

見第五條

去石膏知母淡竹葉吉

梗甘草加前胡葛根等方隨用而發之但得痲出則

毒解而始終無虞矣如用一劑而痲仍不出又再進

一服外以酒煎胡荽噴被蓋之切要空露頭面或以

苧麻蘸胡荽酒遍身受之令其毛孔疎開痲方得出

也切勿用歲氣內照時令寒暄而用辛熱寒涼之劑

助其炎威阻其發機而成壞症如三四次發之不出

又用臭椿湯根皮煎湯薰洗倘仍不出加之腹作脹
滿氣上喘促昏眩悶亂煩燥不寧謔語妄言者必死
無疑矣有人用當歸紫草茸紅花牛膝子之類服之
卽現斷不濟事

消毒保嬰丹

纏莖藤

不拘黃豆綠豆俱上纏遠細紅絲藤於八月
內生熟之日採取陰乾聽用

大黑豆

三十粒

赤小豆

七十粒

牛蒡子

煨

一兩五錢

辰砂

水飛過

生地黃

山查肉

各一兩

荊芥穗

防風

獨活

當歸

黃連

苦更

生甘草

各五錢

老絲瓜

隔年經霜者二箇要
連藤帶蒂五寸燒灰

升麻

赤芍

各七錢五分

爲細末以沙糖合丸如李核大濃煎甘草湯化下

并利

凡修合此丸須宜春分秋分或正月十五七月十五
十月十五等日洒掃淨室焚香至誠修合勿令僧尼
道士婦女有孝服人及六畜見之合畢於日出時焚
香叩齒東向吸氣一口吹於丸藥之上向大陽覺呪
曰

神仙真藥

體合自然

嬰兒吞服

天地齊年吾

今奉

太上老君急急如律令

口氣默
唸七遍

代天宣化丸

即韓氏醫通所載五瘟丹

甘草

甲己年化土以此味爲君

黃芩

壬寅年化金以此味爲君

黃柏

丙午年 此水以此味為君

枝仁

丁壬年 此木以此味為君

黃連

戊癸年 以此火以此味為君

連翹

生為 山豆根 為 牛蒡子 生

如逢甲子己巳年則以甘草為君黃芩黃柏枝仁黃

連為臣連翹五根牛蒡為佐乙庚等年俱倣此君藥

一兩臣藥用五錢佐藥用二錢五分

為細末於冬三日以雪水煮升麻汁拌麵粉攪糊合

丸用辰砂為衣以淡竹葉煎湯化下

麻科

諸潮亦能發痲第四

傷寒傷風與傷食驚風等候諸潮熱久而不去亦非宜
痘疹因而乘間出

手足稍微冷惡寒無汗面色青慘而不舒在額有青
紋者傷寒之熱也手足稍微溫發熱有汗面赤而光
者傷風之熱也並宜用惺惺散除人參白朮發散之
月胞腫而左頰有青筋發熱而頭額肚腹之處最甚
或兼嘔吐腹疼者傷食之熱也以備急丸下之面色
青紅額上中心有紋手掌心有汗時作驚惕手絳脈
微動而發熱者此驚熱也以瀉青丸牛黃清心丸主
之身熱而倍能食唇紅頰赤大小便閉脇下有汗者

此風熱也以宜風散主之已上諸熱久而不去內外
感發則所蘊痘痲之毒亦能乘而出矣

惺惺散

風熱咽喉不利脾不和三焦肥經渴小便

不利

人參

吉梗

白苓

白朮

瓜蒌根

甘草

各一錢

細辛

三分

薄荷葉

五皮

防風

川芎

各一錢

水煎溫

服

備急丸

木香

二錢五分

大黃

牽牛

各五分

為末神麴糊合丸綠豆大食前用查肉煎湯下五粒

丸

瀉清丸

羌活 大黃炒 川芎 當歸 防風 枝仁

龍膽草

為末蜜丸雞頭子大淡竹葉煎湯加少糖調下一丸

牛黃清心丸 治發熱甚心煩不寧

生黃連錢五 黃芩 枝仁各三錢 川鬱金錢二

牛黃錢二分 辰砂錢五分

為末用冬雪水調麵粉糊丸黍米大燈心湯下七丸

官風散 大熱利其小便而不愈者以此下之

檳榔二個 陳皮 甘草各五錢 生丑牛二兩

炒丑牛二兩

爲末二三歲孩兒用五分四歲孩子用一錢食前蜜
湯調下易老加防風
方有青皮